

















弋說選序

肴公云。此說可以驚四筵。可以慴  
獨座。可以詘令人之口。可以服古  
人之心。可以脩行人之詞。可以專  
大人之對。可以借箸當前。取笏畫  
地。與天子宰相辯折古今之成敗。



是非安得呵九關虎豹而進之。或  
招置百尺樓上。譚數日夜。語倦意  
仝。共入巖窟間。擁膝相視。學蘇門  
長嘯一聲而別。可謂善說弋說者  
矣。第古人之心易服。而今人之口  
難詘。嘗偶拈以質之多口者。亦似



乎不容口。蓋不特弋古人之心。直  
矢口而弋今人之唇舌。以戢其飛  
語者也。三王弋道德。五霸弋戰國。  
幼宰弋盡古今。茲不敢盡弋其說。  
畱其餘以副弋者之爭慕也。石鞏  
和尚云。三十年張弓架箭。只射得



半○個○漢○弋○之○說○又○譚○何○容○易○

仙○臞○何○偉○然○題○



廣快書卷二十三

西湖何偉然仙臞纂

延陵吳從先寧野定

弋說 選沈幼宰本

讀離騷說

屈大夫煩冤之極。故其詞怨亂。亂爲樂之卒章。而臨終亦云。亂命如所謂木夫九首。上伯三目。則相于怪。所謂士女雜坐。不分日夜。舉酒爲驩。



則相于淫淫與怪皆亂也。無何而沉身汨羅。則  
近死之心。其言豈足據哉。太史公哀其志。謂與  
日月爭光。班固忌其藻麗。謂爲露才揚已。此以  
意爲低昂者也。其引宓妃。女岐。湘夫人。及女媧。  
有娥。高辛。二姚。蠡山。于篇。蓋專爲其姐女。頌而  
發。非寓言也。嗟嗟韓之聶政。身受其兇。姐驩其  
義。唐狄仁傑之姐。有子而羞事女主。賢矣哉。屈  
原之姐。偏申申其詈。余雖所遭不幸。而心頗意。



亂之際何以堪之原卽有百身應盡葬江魚之腹矣。

### 齊人說

孟子在齊最久。稔知齊人情態。故以素所極詆之陳仲子而必以之爲巨擘。則齊無人矣。彼蓋相激之極。而相矯之甚。余讀夢葵遺藁。蓋先人諸篇。知其非獲已也。然則孟子所云齊人蓋陰有所指。非虛摹者。聖賢宅心長厚。不忍直斥後世。



反以爲寓言耳。齊人行同乞人。原非乞人也。假令他蓬首垢面。衣不掩形。則國中自無與譚之人。富貴自無飲食之。及其妻不必瞰也。又令他出入有童僕隨行。則在外光景可偵。而知其妻亦不必瞰也。只因他衣裳楚楚。威儀棣棣。偉然丈夫。踪跡詭秘。如鬼蜮不可方物。故疑特甚耳。孟子指他敗露處。全在未嘗有顯者來。卽如今人鎮日奔走富貴之門。倏而蘭省。倏而梓澤。以



糊其口而富貴人經年不履其庭者此比皆是  
不獨齊人齊人旦出晚還家食時頗少有室而  
又有中庭蓋原以待顯者之來也特顯者自不  
來耳亦實飲食于富貴之家特富貴之家不常  
常飲食之耳不然四孟二至祭有常期齊人安  
得日日醉飽于墦間哉偶爾妻瞰之時正郭外  
舉祭之時齊人數奇被妻窺破卽齊人自百口  
莫解此千古一大冤案也然亦是自取何也惟



其他平日對妻妾說得與顯者萬分莫逆。愚婦人見識沾滯計無復之下。此毒手把天下古今這一等曖昧之局。一一描寫出來。孟子借以垂戒。如何又好著他姓名。世儒誤認齊人果是乞人。所以疑他無妻妾。又疑孟子寓言而不知乞非乞丐之乞。誅其心若乞丐。顏之厚若乞丐耳。餘非餽餘之餘。卽農有餘粟。女有餘布之餘。人特不食吾餘之餘。卽又顧之他。亦是人頻頻雷。



渠頻頻起此處。辭脫彼處。邀住酒酣。以往意。夷  
不禁想齊人在顯者前。未必不耳熱欲狂。何嘗  
有意驕其妻妾。故作施施之容乎。嗟乎。此仲子  
之所以食糟李也。乃齊人之妻與仲子之妻。則  
皆賢婦人也。

無德不報

昔秦穆公寬盜駿之人。而飲以酒。楚莊王泯絕  
纓之跡。而宥其愆。趙盾餉餓夫于翳桑。袁盎贈



侍兒于從史其初皆施恩不報之地而後賴以  
解圍脫難善哉唐張說之言曰活人于死者必  
捨生以徇危榮人于辱者必盡節以雪耻詩所  
謂無德不報也夫酬恩報德非庸衆所能固千  
百○中○之○一○二○僅○垂○史○冊○者○而○乃○得○之○盜○賊○乞○丐○  
淫○穢○之○徒○則○是○盜○賊○乞○丐○淫○穢○之○中○間○有○賢○人○  
君○子○存○也○予○偶○閱○說○苑○載○此○四○事○而○揭○之○以○爲○  
學○者○養○量○之○助○



# 天道

天道好生。故伐暴救民者。享國最久。湯放桀。亳  
祚六百餘年。武王誅紂。洛祚八百餘年。漢高帝  
鋤秦蹙項。炎祚四百餘年。天道好還。故一旅興  
夏。三戶亡秦。天道忌盈。故桓文獨盛于五霸。而  
齊有田氏之篡。晉有韓魏趙之篡。齊晉先秦楚  
燕而速亡。夫差伐楚。伐齊。伐越。與晉爭長。滿而  
難持。吳亦速亡。天道忌巧。故名過其實者無後。



陰謀者不善終。孟嘗君絕已于薛。呂不韋飲鴆而死。俱造物所默仇也。

孤介

孔仲山家貧。奉親。變姓名。傭爲新野縣街卒。荊州刺史范巨卿行部縣。選仲山爲導騎。巨卿見之。驚。捉臂曰。子非孔仲山耶。吾昔與子俱曳長裾。遊大學。吾蒙國恩。致位牧伯。而子懷道隱身。處于此乎。仲山曰。侯嬴甘心于賤業。晨門肆志。



于抱關。豈爲鄙哉。巨卿勅縣代仲山。仲山竟不  
肯去。徐孺子會葬黃瓊于江夏。無資以達。齋磨  
鏡具自隨。所在取直。然後得前。古人之介性如  
此。夫以命世之英。而不耻爲僕役之賤。以糊其  
口。由斯以觀。范史雲還麥于尹臺。王修齡辭粟  
于陶範。閔仲叔卻猪肝于安邑。令未足多也。鳳  
凰翔于千仞之上。而羞與燕雀爲羣。能高而不  
能下。是卽其所短也。神龍則不然。有時而爲蛻



輟孔仲山徐孺子其抱龍德而隱者乎予同邑  
先達胡端敏公世寧爲諸生時貧甚販草履自  
給有富室臧獲取履入無意償之胡候良久日  
已晡矣主人得其情謝過延入餉之胡但取直  
不顧而去後秉憲豫章首發逆濠之奸得罪遠  
戍事白居九列赫然以名臣稱

風裁

陳蕃守豫章特設一榻以待徐穉守樂安特設



一榻以待周璆。去卽收之。未嘗濫及他客。榻之不輕設也如是。管寧與華歆割席分坐。劉璉對孔過舉席自隔。席之不輕共也如是。張敷不喜見要人。遇狄當周赴。呼左右曰。移吾坐遠客。紀僧真係齊世祖倖臣。江敷見之。命左右曰。移我床遠客。董昭枕蘇則膝卧。則推下之。曰。蘇則膝非佞人枕。張僧胤候羊侃。侃竟拒之。曰。吾床非闍人所坐。說者曰。古人過自標榜。而不知從古



至今惟此數事。稍覺崖異。流傳青史。則其他涇渭不分者。儘多。卽就數子而論。如陳蕃之收榻。必有不自揣之人。欲登其榻。故須急收耳。倘歆與邊亦自揣。則席可無割。且隔也。坐與床之遠。客亦客。先偪近之。而始徙避焉。至于枕膝而後推下。來候而後峻拒。晚矣。斯數者。或以爲矯激。或以爲孤高。以吾論之。特傭中佼佼之徒歟。今之人。長厚自命。欲覓一分別善惡黑白者。而不



稍。概。見。何。韓。魏。公。之。多。也。

事有快心者三

晉人入曹。數其不用僖。負羈而乘軒者三百人。  
事之快心者一也。越王勾踐破吳而誅伯嚭。責  
其賣國與已比周。事之快心者二也。來俊臣于  
周興。卽以其法治之。請公入甕。事之快心者三  
也。

事有矯情者三



漢高帝與雍齒有讐。欲息沙中偶語而候之事。  
之矯情者一也。韓信召二惡少年所嘗辱已者。  
各予百金。耻其曩時之不能殺而自掩其怯事。  
之矯情者二也。韓安國爲獄吏所窘。不堪之甚。  
曰死灰寧不復燃乎。曰燃卽溺之。後復爵獄吏。  
諸死。安國曰。公等寧足與較乎。時人服其雅量。  
事之矯情者三也。

事有無可奈何者五



子嬰誅趙高在位僅四十六日。酒未及濡唇。餐未及下咽。而真人已翔于霸上。事之無可奈何者一也。司馬遷以李陵事下蠶室。家貧。貨賂不足以自贖。交遊莫救。事之無可奈何者二也。劉盆子人畏欲啼。事之無可奈何者三也。張超被圍于雍丘。臧洪行跣且號。束甲請舉。而袁曹方睦。坐視不救。洪竟敗死。事之無可奈何者四也。陸秀夫張世傑抱帝入海。大風覆舟。事之無可



奈何者五也。

世事不平者九

武將汗馬血戰。萬死一生。襲廕止于外衛。文臣  
藉口發縱指示。世官執金吾。事之不平者一也。  
異途得賄。名之曰贓。科目簞簋不飭。則曰交際  
餽遺。事之不平者二也。古人重門第。爵無崇卑。  
皆得任子。今科甲方面之元子。例不得補邑博。  
士弟子員。必與齊民一體角稅。而銅臭市兒。不



識章句爲何物。翱翔胄監。居然號太學生。事之不平者三也。舉子分南北卷。今日之主司卽前日之舉子。而主司閱卷。獨不分南北。事之不平者四也。士中式爲朝廷所舉之人矣。旣膺職。可以沾祿。未出庠。亦得補廩。而兩皆無之。何以爲方穀之資。事之不平者五也。詞臣不膺民社。彈文而吹毛求疵。反不若外官。詿誤猶有晚蓋之門事之不平者六也。臺省作天子耳目。威尊權。



重而庶吉士散館以之爲屈。藩臬黃金橫帶。位  
二千石上。而兩衙門外轉以之爲褻。事之不平  
者七也。無錢買駢帽。吝費戴紗巾。旣帶紗巾。羞  
伍駢帽。儉則不遜。事之不平者八也。縉紳衣冠  
之盜。怒呵于堂上。探囊發篋之寇。戰慄于階前。  
事之不平者九也。

輕疑

薄俗喜于造謗。無兄而盜嫂。少孤而不孝繼母。



三娶孤女而擣婦翁。此輕信之不可也。而輕疑亦能賈村。英布之妾歸寧。有隣醫賁黑。以布故厚款之。妾數稱賁黑長者。布疑之。而黑告變。遂羅赤族之誅。梁杜從任西荊州刺史。新納一妾。年貌兼妙。寵愛特甚。妾得父書云。比日困苦。欲有求告。方倚簾讀之。而從自外至。妾羞以父事相聞。因嚼吞之。從疑情人所寄。剖腹取書。妾氣未絕。從覽訖。而悔恨已無及矣。是夜見妾訴。旬



日從死。此二事皆輕疑之過也。雖前生惡業。不能解脫。而二公于人情。原自未透。世豈有淫婦人于夫君前。讚其所私者乎。布之愚一至于此。世豈有新納之姬。恩寵方篤。而遽有外情者乎。又豈有淫詞。而倚簾觀看者乎。從之愚一至于此。大凡世故不熟。人情不深。而亂用其疑。頭頭是網。士君子處帷薄之變者。有孔顏之家法在。卽揆以佛門果報之說。應無有礙。况妾媵所關。



甚細。古人云。去一姬復一姬進者是也。而可如  
布從之癡迷乎。

兄弟不相及說

壽朔皆宣姜所出。朔譖伋而壽竊節遇盜與伋  
同死。王處仲親爲叛逆其弟竺法深超然獨遊  
于方外。王荊公朔新法以毒宋而弟安國非之。  
韓絳黨附安石而弟維爭之。曾布敗壞善類而  
弟肇移書勸之。夫武攸緒之于武壘。族屬猶疎。



逖也。兄弟同氣。而意趣端邪。不翅冰炭。故吾嘗  
謂柳下惠之和。非得已也。以盜賊之橫暴。日殺  
不辜。肝腦塗地。而惠爲之兄。誅之不得。化誨懷  
服之不得。坐視之又不得。只得造出一局曰。爾  
爲爾。我爲我。爾焉能挽我哉。蓋無可奈何之詞。  
而觀者反以爲聖之和耳。此之謂兄弟不相及  
也。若司馬牛。則不達此意而憂矣。

駁晉人了語危語



桓南郡與殷荊州。顧愷之共作了語。顧曰。火燒  
平原無遺燎。桓曰。白布纏棺。豎旒旐。殷曰。投魚  
深淵。放飛鳥。次復作危語。桓曰。矛頭淅米劍頭  
炊。殷曰。百歲老翁攀枯枝。顧曰。井上轆轤卧嬰  
兒。沈子曰。噫。燎原之火。間靡有子遺矣。儻松栢  
蒼翠。雨雪紛紛。雖烈焰無如之。何則。火燒平原  
無遺燎。猶未了也。夫人生平洵定于蓋棺矣。儻  
報怨者。啟墓而鞭屍。殛奸者。斲棺而梟首。則白



布纏棺豎旒旒猶未了也。魚鳥還其故鄉。洵適  
矣。儻釣者出之重泉之下。弋者落之層霄之上。  
則投魚深淵。放飛鳥。猶未了也。然則何時是了。  
菩薩永不墮輪迴。此之謂了語也。邪術有吞針  
者。正法有折刀者。則矛頭淅米劍頭炊。猶未危  
也。吐納導引之流。齒落更生。髮星再墨。則百歲  
老翁攀枯枝。猶未危也。孺子將入于井。幸遇怵  
惕惻隱之人。忙來拯救。則井上轆轤卧嬰兒。猶



未危也。然則何等是危。卽叅軍所云。盲人騎瞎馬。夜半臨深池。安知此夜無月。又安知此馬非熟遊之地。而詫以爲危乎。兀术破汴。偏臨安正心誠意獻君王。此之謂危語也。

### 仙說

世俗所傳神仙。惟呂洞賓最著。以其發度世大願。混入人間。幻化不可測耳。洞賓三舉進士。不第。遨遊江湖。遇鍾離雲房。受延命之術。得金液



大丹之功。又遇苦竹真君。傳日月交并法。遇火龍真人。傳天遁劍法。年五十道始成。號純陽子。唐咸通中舉進士第。時年六十有四。昔漢武有云。使吾得如黃帝棄妻子如敝屣。夫然則人主之所深願而難得者仙也。純陽子業已仙矣。謂宜薄天子不屑爲。而何有于一第哉。唐之樊若水。射策不入彀。遂爲嚮導以賣國。黃巢累舉進士不第。因舉兵犯順。又有願知制誥。一日雖死。



無恨者。予嘗怪其癡迷。以今觀于純陽子。不足怪也。他念可灰。功名富貴之念難灰。此障不破。卽歷千萬劫。終須輪轉墮落。純陽子合下了此。蓋省事法也。當時雲房凡十試之。而後授以奧訣。竟不及人世科名之事。亦稔知此障難破。必須從這裏禿一遭耳。

冒濫相知

今人動輒曰相知。相知談何容易。推食解衣。挾



危拯困。名未揚而爲延譽。行旣玷而爲匿瑕。是相厚。非相知也。慶弔不缺于往來。問候不隔于朝暮。莫逆而緩急。誰恃。交驩而臭味。不投。是相密。非相知也。門戶孤立。不得不望助而求援。炎涼難堪。不得不趨勢而附利。是相結。非相知也。兩無所異。而各伸其情。他有所懲。而勉盡其禮。非敬。非愛。若厚若親。是相與。非相知也。面目不甚習。而觸發時恍惚記憶。姓字已久忘。而邂逅



處彼此寒溫。是相識。非相知也。相知如何。我知  
彼。彼亦知我。如張超之于臧洪。卜其求救。陸抗  
之于羊祜。決其無醜。是也。張元伯臨終。以不得  
見死友范巨卿爲恨。于夢中告以卜辰葬期。喪  
發。引而柩不肯前。見巨卿縞素號哭而來。爲之  
執紼。柩乃得前。支道林于法虔歿後。精神實喪。  
風味轉墜。踰年而殞。比于管鮑牙期。交情更篤。  
交道更稀。若是而稱相知。嗚呼。庶幾。



方外方內

夫人遊方之外者。乃可遊方之內。卽如東方朔  
謔笑武帝之前。夷然不以爲意。佛圖澄與石氏  
父子處。不啻狎鷗。李長源立肅代德猜忌之朝。  
去畱自若。真亭亭物表。皎皎霞外者乎。蕭何郭  
子儀。非不善保功名。而斤斤自完。如置身于頽  
垣朽棟之下。惟覆壓之是虞。智術豈不足哉。遊  
方之內故耳。若方朔輩。與人主爲嬰兒。歲月追



隨寧無齟齬矛盾之處。而人主諒其無他腸。依  
依不忍捨棄。所謂嬰兒詈人而人不怒者非耶。  
神龍遊戲于靈潮。吞吐變化。惟其所之。與鴻鵠  
高飛雲端。遠繒弋之加者自異。以是而律陶朱  
子房。又超而上之矣。

俗不須醫

天地間莫便于俗。莫不便于不俗。不俗則孤子  
而無徒。俗則和同而易與。狀貌俗觀者以爲有。



度○焉○議○論○俗○聽○者○以○爲○有○識○焉○腸○胃○俗○窺○者○以○  
爲○有○養○焉○摛○詞○而○俗○取○青○紫○如○拾○芥○治○家○而○俗○  
積○金○穀○如○聚○塵○居○官○而○俗○名○不○掛○于○彈○章○居○鄉○  
而○俗○宣○廟○一○塊○生○猪○肉○死○去○受○享○器○具○而○俗○適○  
市○者○翹○值○以○售○燕○會○而○俗○設○糖○餅○五○牲○唱○弋○陽○  
四○平○腔○戲○賓○以○爲○敬○園○圃○而○俗○卉○木○比○耦○石○獅○  
凡○獸○松○塔○栢○毬○遊○人○解○頤○嘆○未○曾○有○寫○字○而○俗○  
姜○立○綱○法○帖○一○熟○胥○史○衙○門○作○畫○而○俗○汪○海○雲○



張○平○山○等○筆○肉○眼○珍○收○重○于○石○田○伯○虎○諸○俗○未  
易○殫○述○而○總○之○有○一○俗○有○一○俗○之○效○驗○裨○益○我  
故○曰○莫○便○于○俗○莫○不○便○于○不○俗○也○昔○人○云○俗○便  
醫○不○得○夫○涉○世○惟○恐○不○俗○耳○既○俗○矣○何○須○用○醫○  
世○人○生○長○于○俗○而○以○俗○爲○諱○爲○誚○魚○遊○于○水○而  
忘○其○功○躍○冶○之○金○造○物○且○以○爲○不○祥○矣○或○曰○子  
憤○世○而○狂○言○耶○予○曰○子○非○媚○世○之○鄉○愿○何○以○惡  
聞○狂○言○



戲作秦檜詰韓侂冑說

侂冑擅權十四載。怨毒盈于內外。乃借恢復之  
美名。爲善後計。于是用陳自強。蘇師旦爲腹心。  
爪牙。而辛棄疾。鄭挺。鄧友能之徒進。追封岳飛。  
追奪秦檜。挑釁首禍。興師伐金。拒丘宗之直諫。  
竄華岳于遠方。未幾而程松逃歸。吳曦降虜。郭  
倪李爽。皇甫斌相繼潰敗。兩京兩河。震搖失守。  
行成之使。相望于道。金人求首禍之臣。中原函



侂胄之首。賁送軍前。其時秦韓兩太師邂逅。泉  
下。檜曰噫。汝不忍。豎儒之笑。罵生事邊疆。兵連  
禍結。竟喪其元。悲夫。侂胄曰。吾非拙于謀身也。  
不得已而祈自解免耳。檜曰噫。夫固寵亦自有  
法。外挾驕虜以要其上。豕突而來。鳥散而去。來  
則人主倚我爲重。去則人臣莫與分功。操縱惟  
吾。權由獨制。故身安而祿位無恙。汝其自取乎。  
侂胄曰。君子不以成敗定是非。爾時有李綱宗



澤岳飛韓世忠吳玠等在。不用以恢復而和議。  
是主。成中原積弱之勢。爾則負國。予不負也。檜  
曰。噫。和親匈奴。自漢高帝用劉敬策已然矣。元  
帝因之。明妃青塚千載貽恨。夫夷夏連婚所傷。  
實多。不若賂以金繒。于國體猶未玷也。嗟乎。嗟  
乎。是非原無定衡。陳湯之功。黜自石顯。遂以爲  
妬。能忌才。郝靈筌之賞。抑自宋璟。卽以爲灼見。  
大體我本朝澶淵之役。寇萊公亦主和不主戰。



范文正公經略西夏亦不主戰而主和。和非予  
初議也。世無罪寇范者。而罪予。是非何常之有。  
且所謂和者。力足以戰。而和則爲包荒。力不足。  
以戰。而和則爲懼怯。置李綱諸人于度外。以有  
用爲無用。乃所以善用之也。侂冑曰。二帝蒙塵。  
豈臣子言和之日。事勢與寇范大異。烏得藉口  
自文。檜曰。噫。戰則二帝必不能生。卽虜目爲利  
數而生之。必不能還。况江南半壁之天下。財匱。



宇○感○能○制○兀○木○之○死○命○乎○祇○以○國○斃○耳○甚○則○以○  
高○宗○爲○二○帝○續○也○子○輿○氏○策○勝○止○有○遷○與○守○之○  
二○途○不○聞○主○戰○而○勾○踐○違○范○蠡○之○諫○伐○吳○竟○致○  
會○稽○之○棲○奈○何○妄○議○用○兵○金○人○與○我○南○北○協○好○  
四○十○餘○年○民○不○知○兵○而○釁○自○汝○開○汝○爲○戎○首○夫○  
夷○與○夏○人○世○分○別○之○名○非○上○帝○意○也○天○興○天○廢○  
誰○能○爲○之○而○汝○欲○以○人○力○回○天○功○妄○自○附○于○恢○  
復○愚○矣○哉○侂○冑○曰○和○議○是○矣○天○下○寃○岳○飛○之○死○



于汝安乎。檜曰。噫。凡有識者。皆闇于斯。爾亦拾  
餘唾耶。當時不殺岳飛。則和議不成。漢景帝聞  
袁盎言而誅晁錯。云。吾不惜一人。以謝天下。吾  
誣飛一人。而罷兵。息民。脫百萬生靈于鋒鏑。保  
其首領。功大而過小。鬼神必陰諒之矣。莫須有。  
獄詞也。庸人難以譬曉。不得不羅織其罪。飛實  
何罪之有。信陵君竊符救趙。不得不推殺晉鄙。  
鄙何罪哉。古豪傑成大事者。不拘小節。類如此。



侂冑曰。爾以巧免。予以拙敗。然形骸共盡。病死  
刃死。死等耳。身爲太師。歿而遺臭。予與爾何殊  
哉。檜曰。噫。佳兵不祥。老之所戒。違此者必凶。天  
道好生。亦好還。忌攻城畧地之勲。光垂史冊。空  
名也。骨暴于原。鬼號于野。孤兒寡婦之哭聲。遍  
于途巷。實禍也。是以造物忌之。吾寧噤一已之  
名節。必不犯造物之所忌。吾子孫當鼎盛。榮顯  
無涯。已得請于上帝矣。汝不吾及也。侂冑默不



能答。

緒言雜錄

好惡與人相近也者幾希。這就是道。心惟微。違禽獸不遠。這就是人心。惟危。

世人伏枕後。千思萬想。無所不至。及到日間。絲毫也做不得。則是夜之昏濁。反不如晝之清明也。子輿何以云云。子輿所論者氣也。予所論者心也。人形體豎。心亦豎。禽獸形體橫。心亦橫。睡



言  
卷二十三  
眠時。人心與禽獸無二。以故禪門玄門。只教人  
靜坐。靈羊掛角于樹。而眠。寇來隨覺。其心豎。故  
警醒也。豎頭。須所謂沭。則心覆。亦此意。

鯨自用而不師。禹智以行水。是人莫知其子之  
善也。宋人揠苗助長。是莫知其苗之稿也。

人以禪受爲唐虞獨剋。而遡之上古。遂人葛天  
無懷。皆非世及者也。人以征誅爲湯武獨剋。而

阪泉涿鹿之戰。黃帝先已行之。則三皇以降。大



抵○皆○因○也○非○創○也○

伊尹一介不妄取與頗近狷。五就湯桀頗近狂。近狷近狂豈非中行。而孟氏以任之一字概之。夫天下有道。丘不與易。棲棲皇皇。老而後已。孔子何嘗不自任耶。

人必境地相及而後相知。故子皮能薦子產。史魚能薦伯玉。而子產伯玉必不能薦孔子。宰我欲短喪。非無父乎。然仲尼不以此貶聖。安



得據禽滑釐之學墨者而罪墨哉。

漢文宣室之對。夜半前席賈生。則亦有鬼神之溺與漢武無異。乃新垣平竟受赤族之殃。罪與文成五利等。而罰過之。非文帝之憐于武帝也。慚其見誑。而怒不可回也。

吳公薦賈誼。年少頗通諸子百家之書。絳灌短誼。洛陽年少初學。欲擅權紛亂諸事。夫總一年少。而或借爲褒美之詞。或挾爲中傷之語。若進



此說于孝昭之前。必不聽矣。孝昭十四能辨上  
官桀之詐。年方幼冲。絳灌必不敢以此說進。  
闕里之人。呼孔子曰東家丘。特習其面貌。故藐  
之耳。假令漢武帝知相如之爲今人也。雖奇其  
才。未必鄭重之。而尚書給札矣。蘇子瞻與相如  
俱蜀人。卽漢宋殊時。不能無入宮之妬。其深詆  
之以此。

扶蘇自殺。在始皇晏駕後。戾太子據之死。當武



皇帝之身。當時廷臣無一人雪壺關之涕者。大  
鴻臚田千秋獨鳴其冤。一言取相。愧者忌之。而  
困短之。然此乃武帝作用之妙。卽褫廷臣而撻  
諸市。不辱于此矣。

李德裕謂漢文帝誅薄昭能斷矣。而于義未安。  
又引周宣王封申伯。秦康公送晉文。詩證之。予  
謂此二事。與薄昭不類。申伯出封于謝。未嘗留  
相王室。晉文返國而至渭陽。亦未嘗臣事秦也。



况又無過惡可摘。其待元舅之情。安得不篤。薄  
昭以人臣擅殺使者。此而隱忍。漢外戚之橫不  
待王氏始發。而遙論者且咎漢文之作俑矣。其  
不相竇廣國。亦此意也。

史遷傳酷吏而首郅都。唐權德輿冤之。歷數其  
直方之概。于剛德有合。而悞被酷名。深致痛焉。  
然則遷何以竟黜之耶。予嘗按之傳奇。無問名  
筆與否。試官皆粉墨塗頰。極其謔侮。乃舉子不



言  
卷二十三  
遇者憾主司之無目而借優舌以寄其怒罵者也。遷曾膺三木。屈體受辱。痛恨于獄吏之舞文矣。其于郅都亦猶是意爾。

張說惑昌宗之囑。耻受激于宋璟。慮已不得專美。祈吳兢削去賂以美官之事。改去汙青史欺神之數語。夫始之薰灼權貴者何心。而終之顧畏清議乞憐于直筆者又何心也。漸轉而漸

正。璟之力也。嗟乎。欲掩宋璟之激。而并不掩其



祈吳競之情。可哀也哉。

紂之妲已。不與崇侯飛廉共。夫差之西施。不與伯嚭共。而玄宗牀第之愛。偏以分人。殊不可曉。彼自以爲秦之由余。漢之金日磾。莫及也。而誨淫于太真。使祿山出入卧内。褻溷帷簿。從古妖孽災異。卽蛇鬪石言。不踰于此。

郭子儀犯法并州。李太白奇之。解官以贖。夫嘉仲父者。歸功叔牙。誦淮陰者。追美蕭相。乃千載



而下。知有汾陽。而太白憐才之熱腸。何杳無傳也。豈非以詩句掩歟。

從古弑兄而自立。天未有不反中其身者。魯桓公弑隱。而公子彭生之禍立見。胡亥弑扶蘇。而閭樂之戈起于望夷。楊廣弑舅。而頭顱竟壞于宇文化及之手。燭影斧聲。何獨漏于太宗而享國長久。爰及苗裔。豈倖也哉。三代而後。篡弑者直書篡弑。凡史皆然。不必董狐之筆也。宋史臣



何愛于光義。而微其詞以爲之諱耶。

孔明讀書獨觀大旨。淵明讀書不求甚解。說者曰經濟之學。以致用也。與章句不同。涉獵之家。以博趣也。與討論不同。如此則孔明爲不知趣之人。而淵明爲無用之物矣。孔明卧草廬時。苟全性命。不求聞達。其經世之念頗淡。安知非涉獵乎。淵明宰彭澤時。民人社稷。交責于躬。其遺世之念未堅。安知非經濟乎。



凡夫出家。非因進取不遂。卽因冤親不睦。故到底不能成佛作祖。秀才讀書。只爲富貴。不爲功名。故到底沒有經濟。雖然。至于今日。不但無功名之士。并志于富貴者。亦鮮矣。

爲兒孫作馬牛。已癡矣。有年髦乏嗣者。終日營營。爲所不知。何人作馬牛。殊可矜也。

江南之橘。江北化而爲枳。地氣不同故也。然猶相去遼遠。卽如一頃之田。此收石餘。彼收數斗。



何說耶。惟人亦然。得父質者十之一二。得母質者十之八九。試就形骸長短按之。子無不肖母者。况精神營魄哉。

詩自大曆而上。文自西京而上。此騷壇酸語也。以今人而襲古吻。猶如三家村漢子學說官話。可發一笑。

今人方從師時。遂顏厚而刻稿。既刻稿後。因而遂不從師。災及梨棗。稚弱未堅之材。不幸夭于



言  
卷三三  
三  
剖。剔。以。故。吾。武。林。之。木。多。不。壽。

人。盡。好。名。而。不。知。所。以。修。名。盡。好。利。而。不。知。所。以。規。利。何。也。惟。其。在。名。利。上。求。也。

聞之先達云。士大夫雖極好。免不得有一篇極  
不好文字。送歸林下。蓋彈章也。雖極不好。免不  
得有一篇極好文字。送歸泉下。蓋墓誌也。予觀  
近世誌銘。往往倩人代筆。請一官銜。其中句字  
艱澁難讀。細按之。不勝罵詈。刻成遍送親友。其



子業儒列學較者。冥然不覺。所以能奇。  
天下有四種人。最癡。老者。少者。婦人。寺人。其言  
語舉動。任情率意。皆因陰氣用事。而元陽不足。  
故顛迷而不自覺耳。

天下有三種人。最貪。和尚。道士。閹宦。非無後者。  
而較之常人。反貪也。貪乃無後之相。

天下有三種人。最嗔。殘疾人。遇全體人。疑其笑  
已。鄉村樵魯人。遇城市繁華人。疑其誑已。家世



寒微人。遇氏族赫奕人。疑其輕已。

子孫不自努力。貧賤潦倒猶醜然。以門第自雄。  
祖父有知當頃足。九泉之下。

醉者自言我醒。醒者自言我醉。富者諱富以貧。  
諛之則解頤。貧者諱貧以貧刺之則切齒。愚者  
必自居于靈。說他蠢不啻殺父之仇。狡者亦復  
如是。人之真情。斷斷欲匿者也。

幫閑走空之客。銅臭之夫。奔走權津要路。一旦



貶黜未免贐餞遠送。慰安依戀。一旦捐館。未免  
弔喪祭奠。哭泣哀號。此勢利中。之道義也。主司  
閱卷。看得這秀才文章佳甚。以科第期之。待遇  
頗厚。不過望他將來顯榮。今日預先收爲桃李  
累科不中。心抱狐疑。因而疎薄。此道義中之勢  
利也。

禱病許香願。是陳皮湯。遇考索薦書。特遼東豕。  
祇有小試儒童。好卷頗少。若無人情。不能成案。



言  
卷二十三  
故向來相沿。開此一倖竇耳。

下第時。但可對朋友坐。卽朋友高飛遠舉者。對之亦不妨。蓋彼亦曾下第故也。但不可見親戚宗族妻子奴婢。何也。以腹悱故。彼愈慰藉。則我愈無顏矣。

乞丐白晝登門。捨一錢。猶有吝色。暴客昏夜入劫。雖棄去千金而不顧。何者。有畏。有不畏也。今之有求于平原君者。動輒低頭折腰。冀其憐我。



無有是處。

清客諂士夫。訝其近日容顏精彩。因而縱色爲害。不淺。先生謏學生。許其異日元魁名世。因而滿盈。作業最大。

蘭亭脩禊。羣賢咸集。計四十二人。而詩不成者。一十六人。各罰酒三觥。古人慎重。不輕下筆。若此。今人卽席賦詩。矢口和韻。便令七步高才。不得專美。嗟夫。



言  
卷二十三  
居官清者。御下必刻。事上必傲。恕而謙。斯完德  
哉。居官墨者。御下必恕。事上必謙。刻而傲。是絕  
物也。

已酉順天場申明禁約。文章內不許用空定慧  
三字。似涉禪語。予惴惴于功令。彷彿鄭五歌後體  
以自箴。○回也其庶乎。屢此下一字。儘可除。君  
不見今之所禁。則國虛。當年孔子犯了鄙夫問  
于我如。○少之時血氣未。此下一字。只合塗。君



不見今之所禁天下惡乎。當年曾子犯了一言  
僨事一人國。音狐○言不及義好行小。此下一字  
渾不是。君不見今之所禁雖有知。當年孟子犯  
了德術知。

人情聽言以先入者爲主。至于建議不可自發。  
而他人先發之。耻而且忌。縱命舉美業。百計沮  
撓。此二病雖賢者不免。

人最不肯服善。以故是非不公。假令鄉先生與



孝廉裹足不入公門。在彼特自守之常。不足矜  
也。而流俗必訕之曰性僻。曰好名。曰渠無囑托  
之才。加一極平妥批語。則曰渠家溫無藉于此。  
而不知秉性之貞黷。全不係家生之饒乏也。  
處叔季之世。機械相角。斷難如意。惟有誠信可  
行。誠信卽遊世之術也。然愚人守之。又坐困矣。  
還須大聰明人。得力于此。

不必身爲善也。人有善而我抽揚之。這便是瞞



薩心。不必身爲惡也。人無惡而我誣罔之。這就  
是蛇蝎口。今在下位者。但有毀而無譽。居上位  
者。但有彈章劾人而並無特疏薦人。則聖人所  
謂樂道人善。惡稱人惡者。謂何。



















